

Transkription von Urkunde SAW 1388d

Ort, Datierung: Salzwedel, 1388-04-28

Signatur: Stadtarchiv Salzwedel, XXXV, 33

Inhalt: Albrecht Conowe: Schiedsspruch

Wý her albrecht Conow(e) prouest tho Soltw(edel) Bekenne(n) In desseme open bre/ue . dat her hinrik pistoris eýn vicarius in vser kerken . vnde heýne Kalue / eýn borgher van lubeke . hebben vor vns bekant dat se hebben en tweý / ghesat vn(de) berichtet . heýnen wende vnde heýne(n) schy(m)mi(n)ghe vm al ere / twýdracht vn(de) schelinghe In desser na schreuen wise . To deme erste(n) male / vmme den anderhaluen wýspel Rogghen gheldes vn(de) Tegheden to sa(n)nem / dat de na dode der drýger klostervrowen de dar mede beliftuchtighet sint . / schal half vallen mid alme rechte an heýnen wende vn(de) an sýne Erue(n) . / vn(de) de ander helfte an heýne(n) Schy(m)mi(n)ghe vn(de) an sýne Eruen . des Richtes / vn(de) denstes scholen se beýde eýndrechtliken bruken vn(de) erer neýn besun=/dern . vn(de) vmme den týns de en an ghestoruen is Indeme bokhorni(n)ghe¹ / eýn punt . In Rickers erue eýne mark pe(n)ni(n)ghe . vor der Tzingheln achte / schillinghe . de týns schal erfliken blýuen bý heýne(n) Kaluen vn(de) Heýnen= / schuy(m)mi(n)ghe vn(de) bý eren rechten Eruen . Des hebben se heýnen wende dar / jeghen ghelaten ver vn(de) twintich schillinghe gheldes dede stunden vp siner / wisch . vortmer sint twe mark týnses In deme stouen vor der borch de=/noch de dre klostervrowen besitten tho erer drýger lýue de schole(n) vallen / an Heýnen kaluen . Heyne(n) Schy(m)mi(n)ghe vnde Heýnen wende vnd(e) an ere rech=/ten eruen . vortmer heft heýne Schy(m)mi(n)ghe . Ses mark suluers de schal he / legghen an Rente als he erste kan de Rente scholen vp boren tho erem / lýue de vor schreue(n) dre klostervrowen . Alheýt vn(de) Ghebe Schy(m)mi(n)ghes / vn(de) alheýt wendes vn(de) na erem dode schal de Rente vallen . an heýnen / Schy(m)mi(n)ghe . vn(de) an heýnen wende vn(de) an ere Eruen . Mid dessen vorschre=/uen stukken schal berichtetwesen al ere twýdracht vn(de) vnmöð den se / vnder sik ghehat hebben . vn(de) alle desse vor schreuen stukke vn(de) schedi(n)=/ghe hebben se . heýne Schy(m)mi(n)gh vn(de) heýne went muntliken ghevulbor=/det In vser Jeghenwardicheýt . vn(de) desser na schreuen tûghe vnde ghe / wilkoret . stede vn(de) vaste tho holdende . Tughe desser dingh sýnt de Erli=/ken lûde . her Johan Schy(m)mi(n)gh . her hermen zeltzingh . Meýster Ghýso / Brewesse . hans schorlubbe vn(de) hans van deme houe borgher to soltw(edel) / To eýner grotern bekantnisse vn(de) tuchnisse desser schedinghe so hebbe / we vse Inghezeghel wýtliken ghehenghet an dessen bref . De gheuen / is nach godes bord drýttheýnhundert Jar dar na Indeme acht vnde / achtighesten Jare . In sunte vitalis daghe des hilghen merteleres . /

¹ vgl. SAW 1495c